



Khutba Jummah

HAZRAT MUHYI-UD-DIN AL-KHALIFATULLAH

Munir Ahmad Azim

02 Septembre 2016 ~
(29 Dhul Qaddah 1437 AH)

(Résumé Khutba)

Après ki li fine salué tous so bane disciples (et bane musulmans) dans le monde entier avec la salutation de paix dans l'Islam (Assalamoualaikum Warahmatullah Wabarakaatuh), Hazrat Khalifatullah (atba) fine lire Tashahhoud et Ta'ouz ainsi ki Surah Al-Fatiha, et ensuite li fine axé so Khutba lor bane sujets suivants:

Avant ki mo contigne lor le même sujet de mo bane Khutbas précédents, c'est-à-dire, lor le *Jihad*, le terrorisme, l'islamophobie et l'islam, mo ti envie commente lor sa deux nouvelles d'actualité là:

ENE PROFOND ECLIPSE SOLAIRE ANNULAIRE-PARTIELLE VISIBLE DE MAURICE

Couma zot fine témoigné hier (le 01 Septembre 2016), ene profond éclipse solaire annulaire et partielle ti visible ici à Maurice, ainsi ki dans les autres îles et pays avoisinants couma Rodrigues, La Réunion, Madagascar et l'Afrique centrale. L'éclipse fine également partiellement visible dans certain parties de l'océan Indien et de l'Atlantique.

Ene l'éclipse annulaire produire kan la lune li le plus éloigné de la Terre de so l'orbite. De ce fait, sa faire la lune paraître pli tipti, et l'anneau extérieure de bane difé soleil ou de bane rayons de lumière vine visible. Pour l'éclipse ki fine passer hier, le disque du soleil ti éclipsé jusqu'à près de 90% (88,8% plus précisément). En bane mots plus simples, kan l'éclipse fine passer, alor zot tous fine remarquer clairement ki fine faire pli sombre ici à Maurice.

Le début de la phase partielle de l'éclipse fine arriver 27 minutes après midi et ti atteindre so maximum à environ 2.13pm. Dernier phase de l'éclipse ti terminé à 3.44pm. En ce ki concerne la durée maximale d'annularité, li fine duré pendant 3 minutes.

Dans nous l'île sœur, c'est-à-dire, l'île de la Réunion (Premier l'île en dehors de Maurice kot mo fine alle fer mo mission pou propage bane l'enseignements du Messie Promis (as)), principalement à Saint-Louis, à l'Etang du Gol, surnommé aussi : Village Éclipse, l'éclipse ti extraordinairement remarquable avec ene anneau de feu de 2.09pm à 2.11pm, en d'autres mots, deux minutes et 44 secondes d'annularité (kot la lune vine central avec soleil et forme ene anneau presque exacte).

Pour la première fois depuis 1901, c'est-à-dire, après 115 ans, ene l'éclipse d'ene telle l'ampleur fine visible à l'île Maurice, kot beaucoup de bane Mauriciens fine témoigne sa (et bien sûr avec protection pou ki zot pas abîme zot lizié). Sa c'est l'unique éclipse solaire et ki pli profond ki fine être témoigner de l'île Maurice pour sa 21^{ème} siècle là. Prochain l'éclipse d'ene telle l'ampleur pou manifester en l'an 2200 (et peut-être à sa l'époque là pou ena ene l'autre Messenger d'Allah, Khalifatullah).

Sa c'est ene de bane grands signes pour sa l'époque là, surtout avec l'avènement de sa humble Messenger d'Allah là dans sa 21^{ème} siècle (de l'ère Chrétienne) là et du 15^{ème} siècle (de l'ère Islamique après Hijrat (l'émigration) du Saint Prophète Mouhammad (saws) de Makkah à Madina), kot l'île Maurice fine conne ene l'éclipse d'ene telle nature, d'ene telle envergure. Ene l'éclipse c'est ene phénomène naturel ki produire de temps en temps, mais Allah servi également bane tels signes pour faire distingue la lumière de bane noirtés. Si ene l'éclipse amène noirté et bane tracas, alor Allah rappelle à So bane serviteurs ki si Li envie, Li capave exterminer le monde et bane dimounes dans ene fraction seconde. Sa bane évènements là zot ene rappel ki nous bizin suivre le droit chemin et toujours demande l'aide et protection avec Allah tousel. Dans sa siècle sombre là, Allah fine élève So messenger pour guide zot tous vers le droit chemin.

Bane dimounes bizin reconnaître le *Siraj'um-Munir* (La Lampe Étincelant de Lumière) et le *Qamaram-Munira* (La Lune Éclatant de Lumière) ki fine vini pou retire zot de toutes sortes d'obscurités. Ki Allah permette zot pou faire sa et pou enrichi zot lé cœurs avec sa la lumière clairvoyant là pour éclairer zot moi intérieur et pou faire zot vine encore et encore plus près d'Allah à travers bane humbles conseils et bane instructions ki sa humble serviteur là pou donne zot, bane telles instructions ki vine de Allah même pour zot propre salut/ bien-être. *Ameen.*

EID-UL-ADHA ET LA FIÈVRE APHTEUSE 2016

Couma zot tous conné, depuis Juillet et début Août 2016, Rodrigues fine témoigne d'ene grave maladie ki attaque lipié (ou plutôt sabots ou la patte) et la bouche, c'est-à-dire, la fièvre aphteuse parmi so bane bétaaye. Sa c'est ene virus ki capave infecter les autres vite, et alor kan sa fine éclater dans Rodrigues, sa fine attaque rapidement bane bétaaye de Rodrigues, et alor li ti vine nécessaire pou touye zot dans ene façon selectif (environ ene millier zanimalo en provenance de Rodrigues et dans Maurice fine touyer). Et comme ene partie de nous bane bétaaye vine aussi de Rodrigues, alor au cours d'ene l'enquête, bane l'autorité fine constaté ki ene cargaison bétaaye en provenance de Rodrigues ti fini rentre dans Maurice, et alor bane démarche fine fer pou mette zot en quarantaine. Depuis sa jour là, ene psychose (ene la peur terrible) fine attrape bane agriculteurs mauriciens et aussi bane Mauriciens en général.

Couma la fête de Eid-ul-Adha pou célébré dans quelques jours, bane musulmans fine faire entendre zot inquiétude concernant le *Qurbani/ Udhiya*. Alor ki certains musulmans fine négocié pour importe bétaaye en provenance de l'Afrique, pourtant, la peur de la contamination et de la maladie ki due à sa virus là pé inquiète bane musulmans et bane Mauriciens en général. Beaucoup pé prend bane mesures de précaution et pas pou participe dans *Qurbani* (sacrifice) sa l'année là. Quant à la population de Maurice en général, zot pé évite consommation la viande bœuf, cabri, mouton etc., et ene demande pour poule et poisson fine augmenter.

En plisse de sa, bane l'autorités de Maurice et de Rodrigues fine engage zot dans ene campagne de vaccination pour la fièvre aphteuse lor tous bane bétaaye et fine prévu ki sa pou prend ene maximum de trois ans avant ki tout retourne à la normale.

Sa c'est aussi ene signe pour tous bane musulmans à l'île Maurice, à Rodrigues et dans le monde pou ki zot réfléchi lor saki pé passer ; rappelle zot saki ti arrive nous bane frères et sœurs musulmans ki ti alle fer *Hajj* l'année dernière et kot beaucoup fine trouve la mort, y compris bane musulmans mauriciens. Et au cours du Hajj et de la fête d'Eid-ul-Adha ene tel problème fine arriver sa l'année là (parmi bane Mauriciens). Astaire, zis Allah tousel ki conner ki pou arriver plus devant dans l'avenir pendant sa Hajj et Eid-ul-Adha ki pé vini et aussi saki pou vini après sa. Mo conseille à tous bane musulmans du monde entier pou tire ene grand *Sadqua* (charité) et faire *duah* pour tous nous bane frères et sœurs ki fine alle pour le *Hajj* afin ki Allah protège zot contre toute sortes de bane mals. *Insha-Allah*. Ki Allah permette zot pou alle faire le *Hajj* et ensuite retourne zot la caze sains et saufs avec bane bénédictions d'Allah. *Ameen*. Mo humblement fer *duah* pou ki Allah permette à bane musulmans du monde entier pou

réfléchi lor sa bane évènements là ki en vérité zot bane signes pour bane dimounes. *Ameen.*

LE VRAI JIHAD

Dans sa l'époque moderne là, kot le monde fine vine beaucoup pli tipti à cause l'avancement technologique de bane diverses formes de médias, ene mot fine surgir de l'Orient à l'Occident, avant finalement attire l'attention internationale, et kot sa mot là fine assombri par le doute, par ene distorsion de sa bane significations et couvert par ene mystère. Sa mot là c'est « *Jihad* », ou couma li mieux connu dans l'Occident, la « *guerre sainte* ». Vrai racine du mot arabe « *Jihad* » c'est « *Jahd* » ki veut dire l'endurance ou bane conditions rigoureux. Ainsi, en essence, le *Jihad* veut dire travaille au maximum pour la réalisation d'ene but et pou pas laisse nous distraire par bane les autres kitchoses ou dimounes pou na pas applique li (dans nous la vie) ; en d'autres mots, kot alor li nous devoir pou applique li dans nous la vie de tous les jours. Sa conception islamique de *Jihad* là fine d'abord introduit dans le verset suivant du Quran.

« Bane ki dimoune attaque zot, gagne permission pou la guerre, parski zot fine subir ene tort. Allah ena tout capacité pou aide zot. » (Al-Hajj 22: 40).

Sa verset là éclaire nous beaucoup lor saki le concept islamique du *Jihad* représenté réellement et li montré clairement ki le *Jihad* c'est la lutte pour la défense de la vérité. Mais alor ki l'islam, couma mo fine déjà dire zot, pas permette ene la guerre d'agression, mais selman li considère la nécessité (pou bane musulmans) pou prend bane z'armes que ce soit pour défende so l'honneur (et l'Islam so l'honneur), le pays ou la foi couma ene acte de la plus haute vertu. D'après l'Islam, l'homme li l'œuvre le plus noble d'Allah. Allah Li la cause de so création, so but et so la fin. Allah fine crée l'homme pou conne Li, pou adore Li. Par conséquent, li naturel ki la religion ki fine élève l'homme à ene tel piédestal (niveau) bien haut fine bizin également attache ene très grand l'importance et sainteté pour honore la vie (de l'homme ki Allah même fine rende sacré). Parmi tous bane kitchoses, la vie de l'homme, d'après Quran li le plus sacré, et li inviolable. Li ene sacrilège, ene très grand péché pou prend la vie, pou touye ene dimoune, sauf dans bane circonstances exceptionel ki le Quran fine expressément mentionné dans bane versets suivants:

« Bane ki faire la guerre contre Allah et So Messenger, et servi zot l'énergie pou faire du mal lor la terre, mériter ki soit touye zot, mette zot lor la croix, coupe zot la main et ene lipié de sak côté ou bien mette zot dehors dépi dans pays. Sa, c'est zot déshonneur lor la terre, et zot pou gagne ene grand punition après la mort (dans l'Au-delà). » (Al-Maida 5: 34).

« Et ; pas tire la vie ki Allah fine rende sacré, excepté par la justice. Pour celui ki gagne touyé injustement, Nous fine donne so héritier (ou proche parent) l'autorité (pou demande dommage, pou prend vengeance ou soit pou pardonner). Mais faudré pas ki li exagérer, kan ena ene meurtre, parski li pou gagne aide. » (Al-Isra 17: 34).

De plus, Verset 40 de Chapitre 22 du Quran, c'est-à-dire, Al-Hajj c'est le premier verset, d'après consensus de l'opinion de bane savants dans l'Islam, ki fine donne bane musulmans la permission pou prend z'armes pour défanne zot. Verset là dire:

« Bane ki dimoune attaque zot, gagne permission pou la guerre, parski zot fine subir ene tort. » (Al-Hajj 22: 40).

Sa verset là énonce bane principes selon laquelle bane musulmans capave entreprendre ene la guerre défensive, et fine expose aussi dans bane versets suivants ki bane raisons ki fine conduire ene poignée de bane musulmans, sans z'armes et sans bane les autres moyens matériels, pou combatte en légitime défense après avoir ki zot fine souffert dans Makkah bane persécutions incessant depuis des z'années, et même kan zot fine bizin quitte Makkah pou Madina, zot fine être poursuivi par ene la haine terrible, et kot même dans Madina zot fine goûte à sa la haine là de bane dimounes ki pas ti en zot faveur et ki ti pé harcèle zot beaucoup. De ce fait, premier raison ki fine donné dans sa verset c'est ki zot fine opprimé, ki fine fer zot beaucoup du tort.

Dans le verset suivant, c'est-à-dire, verset 41 de Chapitre 22 nous gagne deuxième raison là. Verset là dire:

« (Permission la guerre fine donné aussi à) bane ki dimounes fine repousse zot depuis dans zot la caze sans aucaine raison, simplement parski zot dire : 'Nous Maître, c'est Allah.'... » (Al-Hajj 22: 41).

Sa deuxième raison là c'est ki bane musulmans fine être chassé de zot bane propriétés, la terres et la caze sans ene cause juste et légitime ; zot seul crime étant ki zot fine gagne la foi dans ene Dieu Unique.

Pendant des années, bane musulmans fine être persécuté à Makkah, puis zot fine gagne poussé de là et bane dimounes pas fine laisse zot en paix, même durant zot exil à Madina. L'Islam à l'époque ti menacé d'extermination complet par ene l'attaque combiné par bane tribus arabes autour de Madina. Madina li-même ti criblée de sédition et de trahison, et bane Juifs, ki ti compacte et uni, zot fine forme ene la force pou oppose zot au Saint Prophète Hazrat Mouhammad (saws). C'est dans sa bane

circonstances bien défavorables là ki bane musulmans fine trouve zot dans l'obligation pou prend z'armes pour protégé zot, ainsi ki zot la foi et aussi pou protégé le Saint Prophète (saws) contre kit assassina. Si zamais ene peuple ti ena ene cause légitime pou la guerre, c'était bel et bien le Saint Prophète Hazrat Mouhammad (saws) et so bane compagnons, et pourtant, bane critiques de l'islam fine accuse li ki li fine dirige bane la guerres pour impose so la foi lor ene peuple non consentant. Après avoir ki li fine donne la raison pour laquelle bane musulmans fine ena le grand besoin pou prend bane z'armes, le verset mentionne l'objet et le but de bane la guerres de l'Islam:

« ... Si Allah pas ti faire ene partie dimounes (c'est-à-dire, bane bon) repousse l'autre partie, ti pou surement ena destruction bane couvent, l'église (Chrétien), temple (Juifs) et mosquées, bane l'endroits kot nom Allah mentionné beaucoup. » (22: 41).

Ainsi, l'objectif zamais ti exister pou prive bane les autres dimounes de zot la caze et zot bane dibiens, ou pou prive zot de la liberté nationale et pou oblige zot pou soumettre à ene croyance et l'autorité étranger, ou pour explore bane nouveaux marchés et pou gagne bane nouvo colonies couma bane puissances occidentales ti pé faire à l'époque. En vérité, la raison de bane combats ti seulement pou défanne zot et pou sauve l'Islam de l'extermination et pou établir la liberté de conscience et de la liberté de pensée. Li ti aussi question pou défanne bane lieux de culte ki appartenir à bane les autres religions - bane l'églises et bane synagogues, bane temples et bane ermitages.

Ainsi, le premier et avant tout l'objectif de bane la guerres de l'Islam ti pou établir la liberté de croyance et de pratique religieuse et pourr lutter pour la défense du pays, pou l'honneur et la liberté contre ene attaque non provoquée, et azordi jour aussi c'est le cas aussi (pou défandre l'Islam et la liberté de croyances). Eski ena kikaine ki pou capave énumère ene meilleure cause pou la guerre ki sa ?

La *Jihad* islamique li essentiellement de trois types. Tout d'abord, ena le *Jihad* contre nous-même, ki, dans langage islamique appelle sa le plus grand *Jihad* (*Jihad-i-Akbar*).

Deuxièmement, ena le *Jihad* ki menée contre Satan et bane l'enseignements et bane plans sataniques et sa *Jihad* là, appelle sa le grand *Jihad* (*Jihad-i-Kabir*).

Troisièmement, ena le *Jihad* ki menée contre l'ennemi de la liberté de conscience; nous appelle sa tipti *Jihad* (*Jihad-i-Asghar*).

Mo vivement demande à mo communauté - Jamaat Ul Sahih Al Islam - pou faire le *Jihad* tout les temps. Le *Jihad* de sa l'époque là c'est pou travaille dans le maintien de la parole de l'Islam, pou réfute bane l'objections de bane adversaires, pou propage bane

excellences de la foi islamique et pou proclame la véracité du Saint Prophète (saws) à travers le monde. Sa c'est le *Jihad* ziska céki Allah (twa) apporte bane les autres conditions dans le monde couma mo ti dire dans mo Khutba vendredi dernier concernant nous bane frères et sœurs dans l'islam ki opprimé et bombardé à cause de zot la foi. Nous l'époque c'est en effet ene l'époque critique pour l'islam et bane musulmans. Bane plans dans le monde entier pé faire pour anéanti l'islam et pour converti bane musulmans et zot nature et tenue pieux en celui de bane cultures occidentales.

Aparte ene la guerre défensive pour rétablir la justice et l'équité dans la religion, mo rejette l'idée même pou prend l'épée pour la propagation de la religion, mo rejette le concept du *Jihad* par l'épée, à moins ki li vine absolument nécessaire pou faire li, et dans l'époque d'ene Messenger d'Allah, d'ene réformateur de l'islam, c'est en effet sous bane instructions bénies d'Allah ki ene tel Messenger et Khalifatullah pou en mesure pou faire li. Ni le Messie Promis Hazrat Mirza Ghulam Ahmad (as) ni moi - le Khalifatullah de sa l'époque là – fine annule le *Jihad* par l'épée (ou z'armes), et nous zamais nous pas pou capave faire sa, parski nous, en tant ki musulmans, nous lié par le Quran, et kan tous bane limites dépassé, nous tenu pou lever pour défaire nous croyances et nous propre personnes afin ki l'islam capave vivre éternellement couma Allah fine promesse dans le Quran Shareef.

Mo conclure en disant ki bane ki compare le terme *Jihad* et assimile li avec fanatisme et la terreur et ki cherche justifier zot bane actes de violence horribles et barbares au nom de la religion, zot dans ene bien grand erreur et zot pas fine comprend bane vrais l'enseignements de l'islam et du Quran Shareef.

Le *Jihad*, le vrai *Jihad* bizin donc faire avec nous-mêmes, pour vaincre tous bane mals ki capave ena dans nous. Kan nous pou réussi gagne la victoire dans sa *Jihad* là, alor nous pou en mesure pou récolter le plaisir d'Allah. Et rappelle zot, ki aussi longtemps ki nous pou faire le plus grand *Jihad* avec nous-mêmes, alor à chaque fois et partout kot nous pou être menacés et persécutés, c'est Allah Li-même ki pou vine à nous secours. C'est Li (Allah) ki pou fourni nous bane moyens et bane façons pou ki nous gagne la victoire pour la vraie cause, pour la vérité et vraie la foi et pou faire survivre So bane vrais l'enseignements parmi bane dimounes dans le monde. *Insha-Allah, Ameen.*